

1. नयाँ फारो इस्रेलीहुकन का कर्ल ?
 - फारो सक्कु इस्रेलीहन दास बनइल ।
2. फारो काजे इस्रेलीहुकन दास बनइल ?
 - काजेकि फारो इस्रेलीहुँक्र हुकनक देशमा सत्ता विप्लव मइचहीकि कहना डर रहलिन् ।
3. फारो काजे इस्रेलीहुँक्र सत्ता विप्लव मचइकी कोक डरइल ?
 - काजेकि इस्रेलीहुकनके जनसंख्या ढेर बढ्हरलिन् ।
4. इस्रेलीहन दास बनाइकला केवो फारोहन निर्देशन देहरहल ?
 - भुट्टवा ।
5. भुट्टवा काजे इस्रेलीहन खतम पार चाहठ ?
 - काजेकि भुट्टवाहन परमेश्वर इस्रेलीद्वारा उद्धारकर्ता कहना प्रतिज्ञा करलबाट कहना थाहा रहलिन् ।
6. परमेश्वर काजे इस्रेलीहुँक्र आषिश देहल ?
 - काजेकि परमेश्वर इस्रेलीहुकन माया करठ ।

- काजेकि परमेश्वर वहाँ अब्राहाम इसहाक व याकुबके सामु कर्लक प्रतिजा नि करहीन ।
7. परमेश्वर काजे फारोक छाइहन मोसाहन धर्मछावा बनइ पठइल ?
- काजेकि परमेश्वर मोसाद्वारा इस्रेलीहुकनके मिश्रमासे बिहिर निकारना योजना बनइल रहल ।
8. का इस्रेलीहुकन फारोमासे जोगाइकला सक्षम रहल ?
- नि रहल ।
9. का मोसा इस्रेलीहुकन फारोसे रक्षा करना सक्षम रहल ?
- नि रहल ।
10. के एकजना केलहक रहल जे इस्रेलीहुकन फारोसे बचाइस्याकठ ?
- परमेश्वर ।
-
- इस्रेलीहुँक ४०० वर्षसम् दास बनक मिश्रमा बैठल ।
 - काजेकि इस्रेलीहुँकनउपर ढेर थिचोमिचो हुइल रहलिन उहमारसे परमेश्वरके सामु हुँक रोइकराइ कर्ल ।

प्रस्थान २:२३ख पढी

तर इस्रेलके मनइहुँकर आमिन फे कठोर काम करना बाध्य रहल । येहेकारण हुँकर पर्थना कर्ल अनि हुकनक प्रर्थना परमेश्वर सुन्ल ।

1. का परमेश्वर इस्रेली हुकनक बिन्ती हुन्ल ?

आऊ प्रस्थान २:२४-२५ पढी

परमेश्वर हुकनक पर्थना सुन्ल व वहाँ अब्राहाम इसहाक अनि याकुबके सँग कर्लकर करार सम्झल । परमेश्वर इस्रेलके मनइहुँकरनके कष्ट देखल । अनि हली हुकनक सहायता करपरि कोक वहाँ बुझल ।

- परमेश्वर इस्रेली हुकनक बिन्ती सुन्ल ।

- परमेश्वर अब्राहाम इसहाक व याकुबके सँग करलक प्रतिज्ञा याद कर्ल ।

2. परमेश्वर अब्राहाम इसहाक व याकुबकेसँग का प्रतिज्ञा करल रहल ?

- परमेश्वरके प्रतिज्ञा यही करल रहल कि ४०० वर्षपाछ वहाँ इस्रेली हुकनके कनानके भूमिमा फिर्ता लैगिना कहल रहल ।

- सायद इस्रेलीहुँकर परमेश्वर हुकन भुलगिल कहना ठन्ल रहल तर परमेश्वर नि भुल्ल ।

- परमेश्वर ज्या करम कोक प्रतिज्ञा कर्ठ ऊ सड्ड कर्ठ ।
- यद्यपि परमेश्वरहन कबुफे हतार नि हुइठिन वहाँ करम व अट्लक काम अपन समयमा सड्ड कर्ठ ।

3. मोसा कहाँ रहल ?

4. का परमेश्वर मोसाद्वारा इस्रेलीहुकन मिश्रमासे बाहिर निकरना योजना बनाइल नि रह का ?

5. का परमेश्वर मोसाद्वारा इस्रेलीहन दासत्वसे बाहिर निकरना योजना बनाइल नि रह का ?

- काजेकि फारो मोसाहन मारक चाहठ वसिन हो कलसे मोसा भागक मिद्यान कहना मुलुकमा गइल ।
- मिद्यामा मोसा भ्वास कर्ल व दुइजना छावा जन्मइल ।
- एकदिन ऊ जब अपन राउके भेर्वा चरइना गइलरहल ऊ बन्वामा अनौठो चिज देखल ।

प्रस्थान ३:१-३ पढी

ऊ समयमा मोसा वाकर राउके भेर्वाक हेरचाह करतीरहल । मोसाक ससुर्वा मिद्यानमा पुजारी रहल । मोसा भेर्वाहुँकर मरुभूमिक पश्चिमओहर लैगिल । मोसा होरेब परमेश्वरके

पहाडमा मोसा परमप्रभुके दूतहन एकठो बलट कर्लक झफटीमा देखल ।

झफटीमा आगी जरटरह तर झफटी चाहीं भस्म हुइल नि रहल । ऊ हेर्ल ऊ आगीहन तर झफटी भस्म हुइल नि रह । काजे झफटी आऊद्वारा नास नि हुइहो ।

6. मोसा का देखल ?

- मोसा जरटरहल एकठो झफटी देखल तर ऊ जरक भस्म हुइल नि रहल ।

7. मोसा देखलक जरटरहल झफटी काजे भस्म हुइल नि रह ?

- काजेकि परमेश्वर ऊ झफटीमा रहल ।

- काजेकि परमेश्वर ऊ झफटीमा रहल वहमारसे ऊ भष्म नि हुइल ।

- परमेश्वर सद्ध शक्तिशाली बाट ।

- परमेश्वर ज्या कर सेक्ठ ऊ केहो फे कर नि सकेही ।

8. परमेश्वर काजे जरटरहल झफटीमा रहल ?

- काजेकि परमेश्वर मोसाकेसँग इस्रेलीहुकनक बारेमा बात करक चहठ ।

9. इस्रेलीहुँक्र कसिन जरटरहल झफटी जस्ट रहल ?

- जस्टक ऊ आगी ऊ झफटीहन जलइठ चहठ वस्टक नै फारो व भुट्टवाफे इस्रेलीहन जराइक चहठ ।
- जस्टक परमेश्वर जरटरहल झफटीमा रहल वस्टक नै वहाँ इस्रेलीहुकनसे रहल ।
- फारो व भुट्टवा इस्रेलीहन खतम पार नि सेकही काजेकी परमेश्वर इस्रेलीहुकनक सँग रहल ।
- जरटरहल झफटीमासे परमेश्वर मोसाहन हुकार नाउँ काहरके बोलइल ।

प्रस्थान ३:४ पढी

जब परमप्रभु मोहान ऊ दृष्य ध्यानपूर्वक हेर अइलक देखलक कल परमप्रभु झफटीमासे असिक बोलइल । मोसा मोसा । मोसा उत्तर देहल मै यहाँ बाटु ।

- परमेश्वर मोसाहन ऊ झफटीमासे नि बोलाइलजेलसम मोसाहन वहाँ परमेश्वर बाट कहना थाहा न रहलिन् ।

10. परमेश्वरहन मोसाक भाषा कसिक थाहा हुइलिन् ?

- परमेश्वर हन सक्कु भाषा थाहा रहलिन् ।
- परमेश्वर नि जन्लक कोनो भाषाफे नि हो ।

- परमेश्वरहन तुनहक भाषा फे थाहा बाटिन् ।
- तुनहक कहलक हरेक बात परमेश्वर सुन्ठ ।
- तुनहक कहलक हरके बात परमेश्वर बुझ्ठ ।
- टुरह खासखुस केहलक करबोफे परमेश्वर सुन्ठ ।
- परमेश्वर मोसाकेसँग जरटरहल झफटीमासे फेर बोल्ल
।

प्रस्थान ३:५-६ पढी

तब परमेश्वर कहल लग्ग नआऊ । जउन ठाउँमा टु
ठ्याइलबाटु ऊ भूमि पवित्र हो यसर्थ अपन जुता खोलबाटु
। मै तोहार बाबापुर्खाहुकन अब्राहाम इसहाक व याकुबके
परमेश्वर हुँ । मोसा हुनकर अनुहार छोप्ल काजेकि ऊ
परमेश्वरओहर हेर डरइल ।

11. परमेश्वर मोसाहन काजे जुता निकार कहल ?

- काजेकि मोसा सिद्ध परमेश्वरके सामने खडा
हुइलरहल ।
- काजेकि मोसा पवित्र परमेश्वरके सामने खडा हुइलरहल
।
- दोसपाछ परमेश्वर मोसाकसँग इस्रेलीहुकनक बारेमा
कहल ।

प्रस्थान ३:७-१० पढी

परमेश्वर हुकहिन कहल मिश्रमा रहलक म्वार मनइहुकन कष्ट भ्वागल मै द्याखल बाटु । मै हुकनक शोकपूर्ण प्रार्थना सुनलबाट जब हुकनक कमारास्वामी जबरजस्ती कठिन काम लगइठ । मै हुकनक दुखक कारण जानलबाटु । मै वहाँ जइम अनि म्वार मनइहुकन मिश्री मनइहुकनसे बचइहिम । मै हुकन ऊ ठाउँमासे निकारक हुकन कष्ट भोग नि पर्ना ठाउँमा लेक जइम । ऊ ठाउँ ढेरढेर मजा चिजले भरल रही व कनानी हित्ती एमोरी परिज्जी हिब्बी व यबुसीजस्त विभिन्न जातिक मनयहुँक बसोबास कठ । मै इस्रेली मनइनके पुकार सुनल बाटु । मै देखु मिश्रीहुकन टुनहक निमित्त जीवन कठोर बनादेहलबाट । एहकारण मै अब टूरहन फारोकहाँ पठइही । जाऊ अनि म्वार मनइ इस्रेलीहुकन मिश्रमासे बाहिर आन ।

- परमेश्वर मोसाकसँग वहाँ हुकनक चित्कार सुनलबाटु कहल ।
- परमेश्वर मोसाहन वहाँ इस्रेलीहुकन मिश्रीक हातमासे छुटाइकला मोसाहन छानलबाटु कहल ।

- परमेश्वर मोसाहन वहाँ इस्रेलीहुकन कनानके भूमिमा घूम लैजान अगुवाइ कर चुनल कहल ।

12. मोसा परमेश्वरहन का जवाफ देहल ?

प्रस्थान ३:११ पढी

तर मोसा परमेश्वरहन कहल, "मै कोनो एकठो असिन महान मनइया नि हुइटू । मै कसिक ऊ मनइन हुइ सकेही जे फारोकहाँ जाइस्याकप । व इस्रेलीहुकनके मिश्रीमासे बाहिर आन स्याकम ।

- मोसा परमेश्वरहन ऊ इस्रेलीहन मिश्रमासे निकारक लैयाइ अगुगाइ कर नि स्याकम कहल ।

13. मोसा काजे परमेश्वर हन ऊ इस्रेलीहन मिश्रमासे निकारक लैजाइ अगुवाइक कर नि स्याकम कहल ?

- काजेकि मोसा पहिल अपन इस्रेलीहुकनके सहयोग कर खोज्ल व असफल हुइलक बात सम्झल ।

14. परमेश्वर मोसाहन का जवाफ देहल ?

प्रस्थान ३:१२ पढी

परमेश्वर कहल टु भलो कर सेकबु काजेकि मै तोहारसँग बाटु । यिहे प्रमाण हुइ कि मै टुहिन पठाइटु टु इस्सेलीहुकन मिश्रीदेशमासे अगुवाइ करलपाछ अइबो अनि यिहे पर्वतमा आराधना करबो ।

- परमेश्वर मोसाहन वहाँ मोसासँग रहल कहल ।
- परमेश्वर मोसाहन एकठो चिन्ह फे देहल ।

15. परमेश्वर मोसाहन देहल चिन्ह का रह ?

- परमेश्वर मोसाहन अब ऊ ठहरइलक जरटरहल झफटी हुइलक पहाठमा फेर घूमाक अन्ल कोक प्रतिज्ञा कर्ल ।
- ऊ पर्वतके नाउँ सिनाइ रह ।

16. मोसा दोसपाछ परमेश्वरहन का जवाफ देहल ?

प्रस्थान ३:१३ पढी

तब मोसा परमेश्वरहन कहल जब मै इस्सेलीहुँकर कहाँ जइम अनि हुकन कहम मै टूनहक बाबापुर्खा हुकनक परमेश्वरद्वारा पठइहिम । अन हुकन तोहार नाँ पुछ कलसे मै का कहपरी ?

- यदि मोसा परमेश्वर हुकन इस्रेलहुकनके उद्धारके लाग पठाइलक हो कहलसे इस्रेलहुकन विश्वास नि करही कोक मोसा डरइल ।
- उहकारण मोसा परमेश्वरके सँग वहाँक नाउँ मागल ताकि इस्रेलहुकनक सँग वहाँक नाउँ लेह स्याकम ।

17. परमेश्वर का जवाफ देहल ?

प्रस्थान ३:१४ पढी

तब परमेश्वर मोसाहन कहल । मै जे हुँ उह हुँ हुकनक कहिदेओ । मै हुँ कहनावाला टुनहककहाँ पठइलक हो ।

- परमेश्वर मोसाहन मैहुँ कहना पठइलक हो कहल ।

18. परमेश्वरके मै हुँ कहना नाउँक अर्थ का हो ?

- याकर अर्थ यिहे हो कि परमेश्वरके कोनो आदि नि हो ।
- परमेश्वरके कोनो अन्त नि हुइट ।
- परमेश्वर सद्ध रहठ ।
- परमेश्वर नि रहलक कोनो समयफे नि हो ।
- परमेश्वर मोसाहन ए फे कहल ।

प्रस्थान ३:१५-१८क पढी

परमेश्वर मोसाहन आमिन कहल । टु इस्त्रेलीहन यी कह परी कि परमप्रभु टुनहक बाबा पुर्खाहुकनक परमेश्वर अब्राहामके परमेश्वर इसहाकके परमेश्वर व याकुबके परमेश्वर हुइट । हुनकर नाउँ सदैव परमप्रभु रही । यिहे रूपमा मनइहुकन महिन पुस्तौंपुस्तासम चिनही । यिहेकारण मनुहुकन कहो परमप्रभु महिन टुनरहनकहाँ पठइलक हुइट ।

परमेश्वर मोसाहन फेदस कहल । जाऊ अन इस्त्रेलेके बूढा बढघरियाहुँकर जम्मा करो अनि टु हुकन कहो एहोबा टुनहक बापुर्खाहुकनक परमेश्वर म्वार आघ मनइनके जस्ट प्रकट हुइल । अनि महिन कहल यहाँ मिश्रमा भोगलक कस्ट वहाँहन थाहा बाटिन् । व टुरहिन वहाँ कष्टमासे मुक्त कराइक चाहठ कहल । वहाँ असिन कहल टुरहिन मिश्रमासे बाहिर निकारिही अनि विभिन्न जातिक भूमिमा लैजही अनि दूध व मह बग्ना धरतिमा पुरयाइही ।

ऊ बूढ बढघरियाहुँकर तोहार बात सुनही । दोसपाछ टु व बूढ बढघरियाहुँकर मिश्रक राजाकहाँ जइही । टु राजाहन कहबो यहोबा हिब्रू मनइनके परमेश्वर हुइट ।

- परमेश्वर मोसाहन इ फे कहलक कि अब्राहाम इसहाक व याकुबके परमेश्वर मोसाहन इस्रेलीहुकनकहाँ पठइलक हो ।

19. का फारो इस्रेलीहुकन मिश्र छोरक जाइदेहनावाला रहल ?

- परमेश्वर असिन कहल ।

प्रस्थान ३:१९-२० पढी

तर मै जानठ मिश्रक राजा टुहिन जाइ निही देअही । कोनो महाशक्तिले मात्र फारोहन जाइदिही बनाइवी । यसर्थ हुकनकमाझमा म अचचमक बात कर महाशक्ति प्रयोग करम । जब मै महाशक्ति प्रयोग करम राजा हुकनक छोड़ना बाध्या कराइम ।

20. का परमेश्वरहन फारो इस्रेलीहुँक मिश्र छोर्क सजिलोसँग जाइ न देहना कोक थाहा रहलिन् ?

- थाहा रहलिन् ।

21. फारो इस्रेलीहन मिश्र छोर्क जाइ देहना नि हो कोक परमेश्वरहन कसिक थाहा रहलिन् ।

- परमेश्वरहन सक्कु बात थाहा रठिन् ।

- टुरह मनमा कुछु स्वाचसे पहिल परमेश्वर तोहार विचार जानही ।
- टुरह कुछु कहनास आघ परमेश्वर टुनहक शब्द थाहा पाइठ ।
- टुरह कुछु काम करनासे पहिल परमेश्वर टुनहक काम थाहा पइठ ।
- मोसा आमिन फे इस्रेलीहन हुँक्र परमेश्वर इस्रेलीहुकन मिश्रमासे निकारना अगुवाइ कर पठइलक हो कहना बात पत्याइल नि हुइट ।
- यहाँ मोसा परमेश्वरहन का कहल कहना बात लेखलबा ।

प्रस्थान ४:२-९ पढी

तर परमप्रभु मोसाहन कहल ऊ तोहार हातमा रहलक का हो ?

मोसा उत्तर देहल यी म्वार न्याँग्ना लठ्ठी हो ।

तब परमेश्वर मोसाहन कहल ऊ तोहार न्याँग्ना लठ्ठी भुइँमा फकादेओ ।

मोसा अपन लठी भुइँमा फकापाछ अचानक लठी सप्वामा परिणत हुइल । मोसा डरइल अनि वहाँसे दूर गइल तर परमप्रभु मोसासे कहल आघ बडो व सप्वाक पुछीमा पक्रो ।

मोसा सप्वाक लगल पुगल अनि वाकर पुछि पक्रल जब मोसा सप्वाहन समात्ल ऊ फेदस् लठी नै होगिल । तब परमप्रभु मोसाहन कहल अपन लठी टु अस्टक नै प्रयो गर अनि मनइहुकन विश्वास करी । परप्रभु हुकनक बाबापुर्खाक परमेश्वर तोहार आघ प्रकट हुइलरहल ।

दोसपाछ परमप्रभु परमेश्वर मोसाहन कहल । मै टुहिन अउर एकठो प्रमाण देहटु । अपन लुगाक भितर हात धार ।

यसर्थ मोसा लगाइलक लुगा खोल्ल अनि अपन हात भितर धरल तब मोसा अपन हात लुगामासे बाहिर निकारल वाकर हात उज्जर हिँउजस्ट दाग हुइलक बन्गिल ।

तब परमेश्वर कहल अब फेर तोहार हात लुगाक भितर धार । यिहेकारण मोसा अपन हात लुगाक भितर फेर हालक बाहिर निकारल ऊ फेर पहिलकजस्ट मजा हइल ।

तब परमेश्वर मोसाहन कहल यदि मनइहुँकर तुहिन विश्वास नि करही जब टु न्याँग्ना लठी प्रयोग करो जब

टुहिन हुँक्र यी संकेत देखइहो हुँक्र टुहिन विश्वास करही ।
 यी दुइठो संकेत देखाइकलसेफे हुँक्र टूहिन आमिनफे
 विश्वास नि करही कसले टुरहिन नील खोल्वामासे कुछु
 पानी आनो । ऊ पानी भइँयामा खनाउ यिहे भइँयामा
 छुनाबित्तिकै रगतमा परिवर्तन हो जाइ ।

22. परमेश्वर मोसाहन इस्रेलीहुकनके बढघरिया चुन्लक
 पहिल चिन्ह का रह ?

- मोसा मन्त्र करक लठ्ठी फकइलक सप्वा बनल व फेर
 लठ्ठी बनल ।

23. परमेश्वर मोसाहन इस्रेलीहुकने बढघरिया चुन्लक
 द्वासर चिन्ह का रह ?

- मोसा अपन हात गोजीमा धर्लपाछ कुस्टि लागक
 उज्जर हुइल फेर ऊ अपन हात गोजीमा धर्लपाछ
 वाकर हात जस्तक तस्त हुइ ।

- परमेश्वरसे यी दुइठो चिन्ह पाकसेकपाछ फे मोसा
 इस्रेलीहुँक्र टुनहक बढघरिया नि मनइकी कोक
 ढराइरहल ।

- मोसा परमेश्वरहन कहलक बात यहाँ लेखल बा ।

प्रस्थान ४:११-१२ पढी

दोसपाछ परमप्रभु मोसाहन कहल मनइनके मुख के बनाइल । अनि मनइहुकन कसिक बोल नि सेक्ना बनाइसेकठ । के मनइहन अँधार बनाइसक्याठ । के मनइहन देख सेक्ना बनाइस्याकठ । ऊ मै नै एक हुँ जे यी सककु कर्म कर सेक्ठी । मै यहोवा हुँ । यिहेकारण टू जाऊ । जब टु बात करबी मै तोहार सँग रहम । मै टुहिन कहपर्ना शब्द देहम ।

24. मोसाहन बोलसेक्ना सामर्थ्य देना के रह त ?

- परमेश्वर ।

25. मोसाहन मजासँग बोलसेक्ना सक्षम पार्ना के रह त ?

- परमेश्वर ।

- परमेश्वर मोसाहन मजा बोलसेक्ना मददत करम कहट रहल ।

- यद्यपि परमेश्वर मोसाहन इसेलीहुँकर मिश्रमासे निकारक अन्ना अगुवाइ करना सहयोग करना चाहठ तर मोसा चाहिँ आमिन डराइलहल ।

- आऊ दोसपाछ परमेश्वर मोसाहन का कहल पढी

प्रस्थान ४:१३ पढी

तर मोसा कहल हे म्वार परमप्रभु महिन नि हो अउर
किहिन पठो ।

- काजेकि मोसा इस्त्रेलीहुकन मिश्रमासे निकारक अन्ल
अगुवाइ कर डरइल वहमासरसे परमेश्वर मोसासँग
रिसइल ।
- तर परमेश्वर मोसाकसँग फारोकसँग बात करना केहो
मनइ मोसाहन मददत करही कोक प्रतिज्ञा कर्ल ।

प्रस्थान ४:१४-१७ पढी

तब परमप्रभु मोसाकसँग रिसइल अनि उहिन कहल ।
तोहार डाडु हारुन जे लेवी कुलक हइही । मै हारुनहन
तोहार सहायताक निम्ति पठइही । ऊ कुशल वक्ता हुइट
। टुहिन भेटकला हारुन आट व टुहिन देखक ऊ खुशी
हुइही । ऊ तोहारसँग फिउरन कहाँ जयही । मै टुहिन
कहम कह पर्ना हो । तब ऊ हारुनहन कहपरी अनि हारुन
फारोसँग बोल्लना सही सब्द चुन्ही । तोहार डाडु हारुन फे
मनइहुँकन बोलही । टु महान् राजाजस्ट हुइही अनि
हारुन तोहार अधिकृत वक्ता हुइही । यसर्थ अब टु जाऊ ।
तोहारसँग तोहार न्याँग्नक लठ्ठी लैझाऊ । अनि महिन

बतइलक संकेत मनइहुँकन देखाऊ अनि बुझाऊ मै टुनहक
सँग बाटु ।

26. फारोसँग कुरा कर मद्दत कर्ना परमेश्वर किहिन
खटइल ?

- हारुन जे मोसाक डाडु रहल ।
- काजेकि परमेश्वर मोसाहन हुकनक सहयोगके निम्ति
हारुनहन खटइही कहना प्रतिज्ञा करल रहल व अन्तमा
मोसा सहमत बनल ।

प्रस्थान ४:१८ व २० पढी

तब मोसा अपन राउट इत्रो कहाँ गइल । मोसा
हुकहिन कहल दया करक महिन मिश्र देश फर्क देओ
। म्वार मनइहुँक आमिन जीवित बाट कि मै भ्याट
चाहटु । इत्रो मोसाहन कहल अवश्य टु शान्तिसित
जाइ सेक्बी ।

यसर्थ मोसा अपन बच्चाहुँक व पत्नीहन गधाके उपर
चराक अनि मिश्र घुम्ल । ऊ परमेश्वरके शक्ति हुइलक
अपन लठ्ठी फे सँग लैगिल ।

- परमेश्वर मोसाकसँग धैर्यले काम लेहत रहल ।

- यद्यपि मोसा इस्रेलीहुकन मिश्रमासे बाहिर निकारक अन्ना काम कर नि चहठ तर फे परमेश्वर मोसाहन चुन्ल ।

27. परमेश्वर इस्रेलीहुकन काजे दासत्वमासे मुक्त कर चाहठ ?

- काजेकि परमेश्वर हुकन माया करठ व हुकन हवाँ हुकनके दासत्वमा बाचतर हल नि चहल ।
- काजेकि परमेश्वर अब्राहामकेसँग वहाँ हुकन मिश्रमासे निकारक कनानमा फेर लैजाइम कोक प्रतिज्ञा करल रहल ।
- काजेकि परमेश्वर अब्राहामकेसँग इस्रेलीहुँक्रद्वारा वहाँ उद्धारकर्ता पठइही कहना प्रतिज्ञा करल रहल ।
- अउर पाठमा हम्र परमेश्वर कसिक इस्रेलीहुकन बचाइनु कहना पड्बी ।